

蘇從武編

五臺縣小表

川至中學校出版



MG
K282.54
1

五台縣小志序

余承乏五台川至中校於今四載間嘗觀風問俗流覽山川見其勤儉質樸猶是北俗遺而
 名山勝跡尤足動人博古遐思焉愧余謏陋未能詳諸紀載以備參考用為歎
 蘇君正靜應聘來主講席蘇君史地學專家也課餘披覽邑乘復率校內學生旅行凡山河
 田風俗地勢古蹟物產以及人民之生計政教之敷施無不親臨目睹詳了於心既而旁徵博
 採就履勘察驗所得者標題列目編輯成書名曰五台縣小志擬仿德意志鄉土科教授之法
 由近及遠教授此間學生出其書以示余余閱之實獲我心焉夫志者記也所以記實也以本
 鄉之史事教本鄉之兒童不難於雅而難於俗不難於詳而難於實蘇君數月以來出履山川
 歸登簡冊凡所紀載皆從實地考察而來則是書之成可謂雅俗共賞詳實兼盡矣他日登堂
 講授俾學生欣聆之下油然動鄉土之觀念啟發其愛國之心思其有神於人心風俗也豈淺
 鮮哉急請付梓以餉學者是為序

民國十一年一月六日王庚身序於五台川至中學校之教務處

五台縣小志序





五台新志修於前清光緒癸未間距今四十年矣世事日變而月異况民國肇造以來鼎新革故弛張已多凡政治教化人物風俗社會之情形煥然改觀邑乘之纂修刪定亦今日之要圖也近歲魯縣長丹階先生欲倡其事政無餘暇遂中懸是年秋沙河蘇君正靜應川至學校聘授歷史地理欲仿德意志小學以鄉土科日本小學以鄉土史談教授兒童之法教授此校學生取其由近而遠能確實考察又能養成鄉土觀念爰取五台新志於地理歷史有關者摘錄之志中未有而可增補者又博採延訪標其目而列入之彙輯成書名曰五台小志將付梓以余爲台人也出以證之余見其體例明而節目備簡易精覈不誇多而鬪靡不惟於教授學生有裨異日廢修縣志亦當奉爲嚆矢其餉遺於台人也無窮矣因不揣譎陋叙其言於簡端以幸楚材晉用云爾民國十一年嘉平月朱應龍識於川至學校之如菊齋

蘇君正諍爲史地專家教授之暇出其所編五台縣小志示余并囑爲序余陋不文且於地理學未嘗確實研究辭不獲已謂晉人於晉之載籍宜稍有片言乃逞筆爲之序云涓涓之流可成滄溟纍纍之石能積高崗一鄉一邑之地志全國抑全球地志之細胞也編輯一鄉一邑地志爲治地理學之發軔也是書之成多採徐松龕之五台新志當日松龕所編未就而逝謂蘇君補成完璧亦可也其中又增教育宗教政治生計警察各項逐一實驗覲查邏輯而列成系統蘇君又曰教授學生應由近而遠由實驗而推究於生計條內特錄松龕賦炭暗糠兩詞使前數十年迄今鄉人之苦惱狀畢現於簡端抑又聞之松龕當日浙閩歸來致政於家有時且不自給此固由於受性之澹泊然其自幼居勤工之環境內且得力於佛化爲最多以故是鄉之賢哲苟一執政胥能洞察社會不平之本原勞瘁而裒益之其功業乃愈偉矣蘇君知滄海之成於涓滴高崗之基於纍石也與夫教授之先貴切近實驗也且更知宗教政治生計等等社會之組織爲地志所必具也於是以前極短促之時間纂輯成帙付諸剞劂以供學者此又爲蘇君極明瞭之認識認識既明則跬步千里無不有其鵠的所以在洛有洛陽小志在汲有汲縣小志身治是學所至則盡是學之義務他年彙集各志萃成鉅製尤余之所馨香而祝禱者

焉

民國十一年一月平定李鑾序

五台縣小志目錄

緒言

一沿革

二疆域

三地勢

四山脉

五河流

六土田

七氣候

八物產

九人民

十生計

十一風俗

五台縣小志目錄

- 十二 宗教
- 十三 教育
- 十四 實業
- 十五 交通
- 十六 行政
- 十七 警備
- 十八 城鎮
- 十九 古蹟名勝
- 二十五 台山旅行須知

五台縣小志

沙河蘇從武編

緒言

研究地理必親身調查方可獲得正確之材料教授地理必由近及遠始能引起學者之興味事理至明無待詳說也雖然世界大矣交通雖便旅費孔多且有種種附帶之困難故週遊世界調查各地之狀況而比較研究者地理學專家之事而不可責之以人也至若教授地理先就其附近之山川土宜以及氣候物產人情風俗等而詳爲說明其因果之關係比較其異同之所在俾學者得有正確之鄉土觀念此至易事人皆可得而爲也余竊不揆謹持此義故前年在洛作洛陽縣小志去歲居汲又作汲縣小志今秋受川至學校聘來台仍遵前例作五台縣小志蓋亦欲圖教授之助且作研究之資云爾

本編沿革疆域山脈河流土田氣候生計風俗各項取材於五台縣志古蹟名勝取材於蔣竹莊之五台山寫真其餘各項則由余及學生之調查者組成之蓋縣志爲清季徐松龕先生所著先生嘗著瀛寰志略以地理學有名於當時者也故關於本縣地理之紀載詳而且確竹莊先生於民國七年遊台山攝影而爲之記爲時無幾故亦確實可信其餘物產人民宗教

教育實業交通行政警備各項則縣志向無紀載他人亦無述之者故就余之所知及學生之調查者足成之然余滄此日淺此編又倉猝所成罅漏謬誤之處定所難免尙祈閱者諸君賜函而指正之幸甚

一、沿革

五台古時爲冀州域周分冀州爲并州五台爲并州北鄙地有無封建無考周室東遷地陷於狄魯昭公元年晉荀吳敗狄於大鹵（即太原）漸拓而北地歸於晉三家分晉地歸於趙秦併天下置縣曰慮虜屬太原郡兩漢因之慮讀如慮虜讀如夷城北有小山曰慮虜山山下有泉曰慮虜河縣因此山此河而命名也魏沿漢舊晉省劉石慕容苻秦割據皆仍晉省元魏太和中年乃復置縣譌慮夷爲驢夷屬永安郡高齊改屬雁門郡宇文周因之隋大業初改名五台則因五台山而得名也仍屬雁門郡五代唐晉漢因之宋滅北漢地乃歸宋仍屬代州雁門郡金貞祐四年升爲台州屬河東北路元因之隸冀甯路明洪武二年仍復爲五台縣屬太原府八年改屬代州而代州仍屬於太原府清初因之雍正二年升代州爲直隸州由是五台縣不復歸太原府轄民國廢府設道隸雁門道

二、疆域

1、四界 東界直隸之阜平靈壽平山各縣南界孟縣定襄二縣西界崞縣北界代縣繁峙二縣

2、廣袤 東西二百七十里南北一百八十里面積三萬七千八百餘方里

3、經緯度 東起南經二度十九分半西至三度二十三分半南起北緯三十七度四十五分北至三十八度三十五分

三、地勢

全境爲五台山脈所盤互惟縣城迤西及東冶豆村蘇子坡附近有小部分之平原然寬廣不過十餘里總全境面積計之山居十之八土居十之二而二分之一中坡坨居十之七平土僅十之三耳

四、山脈

五台全境皆山北接恒嶽南接太行以五台山爲主峯自台山南走一支綿互於縣之東境南接孟縣定襄界橫嶺側峯蜿蜒起伏多峭削如壁有石無土兩山之間夾爲深谷綿互一

百餘里迤北曰上峪迤南曰下峪東峪由台山西走一支綿亙於縣之北境西境由東西峨嶺走繁時代縣迄於雁門中間支條南下蟠繞錯互矗爲峯巒降爲岡阜迤爲坡坨匝滹沱之兩岸土人隨人隨地命名不可勝紀茲紀其著者述之如次

1、五台山 在縣治東北一百二十里左鄰恆山右接天池環基五百餘里道經以爲紫府內典以爲清涼上有五峯高出雲表山頂平曠無林木有如累石之台故名五台釋典相傳文殊師利現化之地卽此山也

(1)中台 別名翠巖峯丹崖翠巖縹眇雲間寶衆山發脈之祖高三十五里頂周五里西北有太華池其水出峨眉口入滹沱峯右有甘露泉東南有玉華池旁有三珠泉南下一支屢起屢伏突出一峯小於羣山名靈鷲峯一名菩薩頂今爲黃教大喇嘛駐錫之地東麓有萬年冰九夏不消桃李生冰隙南有九龍崗西南有獅子窩東三十里爲梵仙山中台之前案也北四十里有萬聖浴澡池

(2)東台 別名望海峯五更時日出搏桑可以望見大十倍於車輪紅輪之下隱隱有水光閃爍卽東海也高三十八里頂周三里上有紫府廟東畔有那羅延洞風甚寒盛

夏有冰五色雲常出其中西北十五里有華巖嶺爲清水河之發源處又有仙人洞台南嶺畔有棲賢谷明目池西南有青峯一名黛螺頂南連望聖台台下有東谷池溫湯池溫泉寺等

(3)南台 別名錦繡峯山多野花金蓮日菊佛鉢開時爛如鋪錦故名高三十里頂周二里世傳爲師利文殊道場西北有千佛洞東三十里有聖鐘山狀如伏鐘西南二十里有三寶岩又名七佛岩西北十五里有清涼嶺清涼泉又有清涼石石方平自然文理厚六尺餘圍圓四丈七尺許然石不附山一夫撼之可動相傳以爲奇蹟上有羅漢洞東北有竹嶺又有古南台者在台頂之南二里許

(4)西台 別名掛月峯月西下時掛峯間如懸鏡故名高三十五里頂周二里北有秘慮岩逢天陰中有聲如風雨嶺畔有薩埵岩捐身岩台西有八功德水東北嶺下有文殊菩薩洗鉢池

(5)北台 別名叶斗峯仰視斗杓如可挹風雲雷雨出自山半其上仍晴雨高四十里頂周四里頂有黑龍池即天井也南下二十里有白水池與天井連其水自繁峙峨口

入漳沱台南有羅喉台七佛池飲牛池東有寶坨峯黑暗洞又有寶山產銀鑛石與東台相處山麓有金剛窟爲歷代高僧參悟之地

2、小五台山 縣治附近有五山人稱之爲小五台茲述之如次

(1)峯山 在縣治西北二里許山形圓突西南二小巒相屬如珠人稱之爲小中台

(2)天蓬山 在縣治東十五里接脊蜿蜒一峯獨高人稱之爲小東台

(3)南神墻 在縣治南八里小山圓突特起上有漢文帝祠相傳文帝王代時遊蠟

至此人稱之爲小南台

4)紫羅山 在縣治西八里上有駘台神廟駘讀如狐俗以駘台爲參神如祀之巒頭高聳廟踞其側望

之如小城蒼松翠柏蔚然成蔭爲近城遊眺之地人稱之爲小西台

(5)青山 在縣治西北十五里一峯高插霄漢北眺五台參差雲表南瞰漳沱蜿蜒

一帶縣治附近之山更無高於此山人稱之爲小北台

3、慮虜山 在縣治西北十五里土名蘆虜山狀如伏虎山麓小王村出泉曰伏虎泉

即慮虜河之源也

4、天和山 土人稱天貨山因山產石炭爲天生之寶貨也在縣治東北四十里兩崖夾峙爲深溝東曰東天和西曰西天和爲縣境東北產石炭之地有炭窰數十凡縣城迤東迤北所用之石炭皆取給於此又出瓷甕瓷盆瓷碗及一切砂器等販行甚遠

5、磨天砦 在縣治東北九十里三面陡絕高入雲表頂有平土數百畝可容馳射有洞可容棲止後有鳥道一線盤折而上二十餘里乃至其頂清初曾爲土寇所據

6、長城嶺 在縣境極東北距縣治一百五十里跨山爲石垣關門在山 從南面往迤邐而上者五里越關門而北即直隸阜平縣界盤折而下者十二里乃入山溝平地又行八里即直隸之龍泉關爲通京師大路前清鑾輅至巡皆取道於此關門雖歸直隸轄實爲晉省東北要隘不止爲五台鎖鑰也

7、黑山 在下峪極東南距縣治九十里與直隸平山縣連界西面山路紆盤猶不甚峻東面陡甚盤折而下行五里乃入平地路在崖畔下臨絕澗險仄可畏山頂有關歸直隸平山轄爲客商販布往來要道與東北之長城嶺爲縣境咽喉

8、五洞山 俗名窰頭在縣治南二十里山連岡阜周回百餘里爲縣境產石炭最多

之地炭窰百十餘處從縣城一帶往取道塔子村等處從南路往取道大樸村十八盤石窰等處炭分上下山上山山路遠而炭肥下山窰在脚路近而炭瘠本地及崞縣之桐川各所用皆上山炭下山之炭行銷於忻縣定襄一帶所產之額多於天和山數倍又產硫磺粗瓷甕白瓷碗砂鍋砂壺等與天和山同

9、段畝山 一名文山在縣治西南三十五里漳沱河南岸山極高大迤東 嶺側峯毗連下峪諸山產硯石有青紫綠三色青者最佳綠者次之紫者又次之製成硯行銷廣而以紫者爲多

10、峽山 在段畝之東二十里距縣治五十里南北山勢合沓中開一罅峭壁如削高插天半漳沱河流出其間水漲時山根無路人畜不能行於北岸山脚鑿石窟以通之石窟凡二段一長十餘步一長三四十步爲南路赴平山販布必由之路由此而東則入下峪黑山關即平山界矣

11、西峨嶺 在縣治西六十里與東峨共爲一山脊盤折而上高五里山半有泉僅供行人掬飲逾嶺即宗海溝爲通代縣之路

12、東峨嶺 在縣治北九十里過嶺即繁峙界爲通代縣之路與西峨嶺一山相連

13、金閣嶺 在縣治北九十里爲入五台門戶嶺有大刹曰金閣寺松柏成林

14、蓮花山 在縣治北一百餘里中台之南古竹林寺之後山也層巒藹翠一帶蒼松

樓閣掩映於其間風景最勝

五、河流

滹沱河自西而東橫貫縣之南境爲本縣河流之幹其支流有清水河虜陽河慮虜河泉岩河東峪河等茲分述之如次

1、滹沱河 發源於繁峙縣之秦戲山西行北樓口水會之又西行五台黑龍池水太華池水出峨口會之又西南入代縣界代縣境內諸水會又西南入崞縣界崞縣諸水會之又東南入忻縣定襄轉而北行入五台界至腰成山轉而東行崞縣相河西來會之又東流於段畝山之北泉岩河自北來會之又東過簡山入峽山口行下峪溝中至河門村清水河挾虜陽慮虜東峪諸河自北來會之又東歷孟縣界至直隸之天津與沽河會入海計在五台縣境者長約八九十里

2、清水河 源出縣治東北一百六十里五台山東台毗連之華嚴巖南行繞長城嶺背後轉而西至南屏村又轉而南行上峪溝中至河口村鹿陽河來會又南行至石盆口入下峪山溝中至環椿坪慮虜河會之至河門村東峪河又會之入於溱沱總之清水河自北而南行二百餘里爲合縣東境諸水之綱領土人稱之爲峪河

3、慮虜河 發源於縣治西北十里許之慮虜山麓之小王村側至縣城北轉而東南至下峪之環椿坪入清水河

4、鹿陽河 發源於縣治東北四十里小豆村之東南平地南流數里與龍灣水會又南下過東峽西峽二村入峽口至河口村入清水河

5、東峪河 發源於縣治東南七十餘里之白羊山下經東峪村至陡寺與黑龍池會至河門村與清水河同入溱沱河

6、泉巖河 又名小營河發源於縣治西南四十五里泉巖村之西小泉數百出崖根山麓匯而成河南行經泉巖村郭家寨南北大溪村東治鎮槐蔭村南入溱沱河入溱沱之處與南岸潭嘴山斜對無潭嘴則南各村將爲溱沱所侵占無頂衝則北岸各村亦將溼爲

澤國不特資灌溉之利抑且收保障之功此河之關係於西南二路者非淺鮮矣土人稱之爲後河

六、土田

五台全境皆山土僅得十之二三平土尤少城南小南路與小西路之間有平土一區東西皆不過十里中間仍夾有岡阜閣子嶺之北有平土一區東西十五里南北不足十里寶村嶺下有平土一區名寶村川東西十餘里南北不足十里大南路在滹沱兩岸平土狹長如帶東西不過十里南北廣者二三里狹者不及一里南岸建安河邊等村間有平土亦皆褊狹此外則岡阜紆盤田高下如階級近山則梯田矣上下峪石多土少居民沿河砌石爲池候山水漲發濁水入池壘草根而淤積數歲淤至五六寸即可耕種淤至尺餘即成良田故上下峪產粟最多豐年溢濟隣境然隔一二十年遇大水漲發土皆衝刷淨盡止餘粼粼白石則砌石再淤積數十年而後有田其艱苦亦已甚矣土性疏薄惟大南路厚而且堅其色或黃或白間有赤殖黑墳

七、氣候

五台北高南下故北寒南暖最暖者爲大小南路大南路在濛茫兩岸氣候與忻定崞各縣相同自東冶鎮迤東北地形漸高至縣治左近則轉冷較大南路差兩旬愈北愈寒極北至五台山則四月冰方全解七月山頭即見雪以上接陰歷言之氣候較大南路差五旬大南路柳絮滿天桃杏成蔭結子五台山柳條乃初變黃色也小南路之下峪地形尤低山障向陽故較大南路尤暖然縣治迤東迤北得雨較多土性疏衍得雨及寸即可布種大南路則得雨最艱恆苦旱乾土厚而堅雨非三寸不能布種若遇雨足之年則收穫優於北路然患人滿豐年亦資北路之粟

八、物產

1、農產

- (1) 稻 產於泉巖建安潭上龍灣等處但產額不甚多耳
- (2) 麥 有數種小麥全縣皆產而以北境爲多惟地寒不能種宿麥所產皆春麥也大麥以泉巖河流域爲多油麥（即燕麥）以台山一帶爲最多
- (3) 高粱 有紅白二種全縣皆產之而以南境爲多

(4) 玉蜀黍 全縣皆產之

(5) 穀 各地皆產之以東南二部爲多

(6) 黍稷 全縣皆產之以南境爲多

(7) 蕎麥 以南境爲多

(8) 豆 亦以南境爲多

(9) 蕨 產於泉巖河流域

(10) 藕 產於建安潭上等村

(11) 蔬菜 泉巖河流域皆產之而以東冶一鎮爲最著

(12) 菓品 爲本縣大宗出產柿桃核桃花椒榛子黑棗等產於小南路之下峪棗產於

大南路之東半梨 類頗多有香水梨油梨秋白梨黃梨瓣子梨等產於賽土村楊

白田家崗王家庄郭家庄善文金山等處菓子所產亦夥產地與梨同

2、鑛產

(1) 石炭 產於天和山及窰頭山等處有煙燒成焦炭運銷於忻定崞各縣

- (2) 金 產於楊蹄溝河中質甚美惟產額甚少
- (3) 銀 產於山泉村之黃嘴山及五台山北台下產於黃嘴者爲銀砂產額亦不多產於五台山爲鑛石昔曾開採五代史載北漢僧繼容在五台山柏谷置銀冶募民鑿山取鑛煎銀仰以給用即其地建寶興軍現下無開採者
- (4) 銅 產於五台山
- (5) 鐵 有磁鐵鑛及硫鐵鑛二種磁鐵鑛產於山泉村之禁山硫鐵鑛產於窰頭山前曾開採今停閉
- (6) 水晶 產於慕姑嶺
- (7) 黃臘石 產於馬鞍山可作圖章之用
- (8) 泥板巖 產於文山有青綠紫三種均可製硯以青者爲上品綠者次之紫者質粗爲最下而產額最多行銷於本省各地
- (9) 硫磺 產於窰頭以興元村爲最
- (10) 綠礬 亦產於窰頭以中座村爲最

3、台山名產

(1) 台簞 產於台山產額不定若遇雨水調節之年可至萬餘斤色白而味美爲台山名產

(2) 藥材 種類甚多而以台參爲最有名自然生長無須種植產額甚多質與黨參相近價值每斤約大洋一元其餘如大黃白桔梗柴胡升麻葛根遠志麝香白扁豆桃仁 脂等所產亦多

4、牧畜 間有養養羊者但不甚多

九、人民

全縣住民以南境爲最稠密東北境山多土少人口漸稀全縣人口據最近所調查約十七萬四千人種族皆屬漢族惟五台喇嘛有自蒙古及西藏來者並每年蒙人來台禮佛者亦絡繹不絕

十、生計

五台幅員至六七百里可耕之地不過十之二三而服賈皆在本土出外者絕少資本既

微獲利無幾合邑所稱素封者在省南(如舊太原汾州一帶)不過中戶亦止寥寥數家此外皆資土田無田者履險登山石罅有片土刨掘下種冀收升斗上下或至二三十里農工稍暇皆以馱炭爲業縣治東北之天和山及東南之窰頭產炭最旺而山路崎嶇高者至數十里民皆驅驢騾往馱無驢騾者背負之健者能負百餘斤夜半往傍午歸一路魚貫而行望之如蟻其炭除供本境之用傍溢於忻定滹各縣農民完課授衣婚喪雜費皆賴於此間民腰斧入山斫柴捫羅攀葛履巖懸之徑蹈虺蜴之窟負歸賣於街市易一升粟蓋三晉通省論之生計之艱苦至五台而極矣然迭遭荒年餓莩絕少亦從無賣子女爲婢妾者惟其勤也傳曰民生勤勤則不匱諒哉

(附)退密齋馱炭道退密齋爲徐松齋之號

隔巷相呼犬驚擾夜半驅驢馱炭道驢行黑暗驛丁東比到窰頭天未曉馱炭道十八盤羊腸蟠繞出雲端寒風塞口不得語啟光十丈光團鑿窰盤已見人如蟻燒得乾糧飲滾水兩囊盛滿捆驢鞍背負一囊高累累馱炭道何難行歸時不似去時輕人步偃僕驢步碎石頭路滑時欲傾日將亭午望街頭汗和塵土面交流忽聞炭價今朝減不覺心內懷煩憂減價一時

猶自可大雪封山愁殺我

十一、風俗

晉俗之儉自古而然太原汾州數大縣以商賈致富頗有流士奢靡變其本俗者餘皆儉畜仍有唐魏之風五台地本貧瘠其俗之儉爲尤甚種山田數十畝秋穫幸遇豐年倉箱皆滿必預計曰完糧須糶若干留種若干某穀可食至明年幾月某穀有餘可糶某穀僅敷食某穀不足婦女皆能核計數米而炊無敢浪費者古謂唐魏之民恩深信矣東北路地廣人稀嚼糠者少南路地狹人滿豐年亦雜糠粃故諺稱大有之年曰精米活穀謂不食糟糠也麥珍如珠非祭先奉客婚喪不用無故而食白麵人皆以爲不祥稻米則供客或病人羹粥偶一見之家醃蘿苳蔓菁一瓿以御冬春夏多食野菜以葱韭豆腐雞卵爲甘旨菘薯爲珍味貧家終年不見肉至度歲乃割片肉爲水角衣用直隸平山所產之布農人夏一袷冬一襖一褲商賈隆冬走山谷布襖之外襲老羊皮馬褂士類一綿袍綿馬褂衣裘衣帛者絕少近年風俗稍變富家或衣綢緞然亦甚少房舍建築多土壁平頂不講高大宏廠足蔽風雨而已間有磚牆瓦頂者爲數甚少農人院中即場秋禾收穫即於院中捶之無築場用石碾者婦女勤苦尤甚富家亦

自任炊爨兩餐皆手自操作春碾確磨間有雇人爲之者中人之家皆自任朝暮無暇咎偶暇乃從事縫紉澣污補綻不棄寸縷然頭足修整不似傭媪之蓬頭垢面非新嫁娘不衣帛首飾以銀爲貴近年間有鍍金黃金輦翠真珍富家亦無有嫁娶不尙妝奩富家間有綺紉數襲簪珥數事所費不溢百金中人之家一襖一裙而已故貧家亦從無溺女之事父母翁姑之喪編素足三年不解二十七月之制喪祭斬齋絰杖獻食遵用文公家禮娶妻必親迎禮極鄭重俗重廉恥畧知禮義貧者携幼女襁褓乞食不肯賣爲婢妾故買妾必於數百里外本土即重價不能得或車或騎過村必下會爲達官無敢違此例者夜有竊盜一呼則四隣應聲而至升屋相助此蓋因富者不敢卑視貧人貧人亦無幸災樂禍之心也至若入民性質則眞率樸訥無機心狹小卞急無恢宏容人之量

(附)退密齋詩鈔啗糠詞

富食米貧啗糠細糠猶自可粗糠索索刷我腸八斗糠一斗粟卻似持來沙一掬亦知下咽甚艱難且用療飢充我腹今年都道秋收好囤有餘糧園有棗一半糠糝一半米婦子欣欣同一飽昨行都會官衙頭粒米如珠流水溝對之垂涎長太息安得掬洗持作粥

十二、宗教

1、佛教 五台山爲我國佛教靈地寺院之多有名全國每歲各地僧衆至此禮拜者甚多台山青衣僧有佛教會公推會長總理一切事務

2、喇嘛教 台山菩薩頂眞容院爲黃教喇嘛駐錫地每歲蒙古人來此禮拜亦絡繹不絕至喇嘛何時到此尙未探悉大約始於清初既定西藏後欲以宗教羈縻之五台爲中國佛教靈地故請達賴派人住之

3、耶穌教 不甚發達東治有福音爲自忻縣分來者牧師爲英人常住忻縣亦時來五台但不常住耳

4、天主教 亦不甚發達信者以溝南村爲中心有教堂及外國神父

5、秘密教 鄉人迷信之者甚衆其行踪極爲詭密聚集皆於夜間男女成羣誦經禮拜至其內容如何以過於秘密無從探悉大約不外佛道雜操之一種小道耳

十三、教育

本縣地雖磽瘠然讀書者自昔稱盛如清季之徐松龕先生歷官至閩撫以新學有名當

時曾著瀛寰全志爲地理學之有名著作又如今日閩伯川督軍亦挺特出於是鄉聲譽之盛冠於各省倘亦所謂地靈人傑者乎茲將其現下之教育狀況述之如次

1、教育行政 城內有勸學所總統全縣各小學校謀所以進行之方又有縣視學視察各校而考其勤惰及有無進步爲之督催勸學所出版物有五台教育週刊用石印以傳布教育之消息

2、學校教育 本縣學校私立者有閩督軍之川至學校公立者有高等學校國民學校女子國民學校茲分述之如次

(1)川至學校 爲閩督軍所私立校址在河邊村之西面積約八十餘畝校舍三百餘間經費年約二萬元內分中學小學二部中學學生六班約一百八十餘人職教員二十三人學校行政校長總統一切下有教務訓育庶務三課庶務課又分會計雜務書記印刷圖書各股教授用分團式各科有專用教室注意學生自動訓練取干涉主義方法有積極的勸導與消極的訓誡二種勸導每週日曜日開自省會教職員輪流訓誡遇有紀念日則有特別訓誡以引導學生向上之機訓誡則訓育主任執行隨時檢查如有不規則之行爲即

隨時訓飭記過以行懲罰體育每日有二十分間體操上午九時至十時之間及課外運動以謀學生身體之發育及健康之增進課外作業設有售品所俾學生於課暇練習營業及簿記之應用其餘謀校務進行每週土曜日晚開校務會教職員共同討議謀在校學生與畢業學生使有相當之連絡則組有校友會每學期出期刊一本以砥勵學業觀磨德性小學分高小國民二部共四班一百六十餘人教員五人其體操音樂圖書各科則由中學教員兼之教授用啟發式訓練取嚴格主義每日有朝會教室每日用學生輪流掃除以習勤勞成績斐然可觀

(2)高小學校 據民國八年統計表全境共九處教職員共五十三人學生七百八十七人常年經費一萬零三百零一元去歲因歲荒停二所今共七所然不久當仍恢復也

(3)國民學校 分男女二種男校共三百八十八所教職員共五百三十三人學生一萬二千零五十人經費共五萬八千二百元女校共一百四十九所職教員共一百七十人學生共三千二百十五人經費共一萬七千八百九十五元

以上各校經費除川至學校由督軍支給外高小用縣款其基金爲前清書院儲金及

各地釐稅國民學校則各村自行籌集各校內容雖未深悉但中學生自各地來者其成績頗不悉以是而推當不甚壞也

3、社會教育 城內有宣講所但亦有名無實徒懸一塊招牌而已

十四、實業

本縣實業不外農工商鑛各業農鑛較盛工商次之茲分述之如次

1、農業 縣民全部均資以爲生故人民大部皆營農業惟縣境山多土少且氣候寒冷年祇一季故收穫不多也

2、鑛業 以窰頭天和二山爲最多俱係煤開採用舊法炭有煙出窰後燒爲焦炭運銷四方農人於秋收之暇多以馱炭爲業故於縣人生計所關至要

3、工業 種類不一毛織物如毛氈口袋之類出於槐蔭草帽緋全縣皆有惟不甚細緻且產額亦微不過供農人之用而已無輸出者草紙產於建安潭上礮器砂器鐵器等產於窰頭木器如木碗捻珠等產於台山銅器產於東冶每歲由台山輸出於蒙古者爲數甚鉅硯台出於河邊村每歲輸出者其額亦鉅其餘泉岩製麻爲農家之附產郭家寨之水磨則又利用

自然力以生產者本縣特別工業爲小爐匠釘盤釘碗周行於隣縣者皆本縣之人也

4、商業 不甚發達最盛者爲東冶一鎮然亦不過雜貨布匹及鄉人日用之物而已大宗出入則未有也

十五、交通

東通阜平靈壽東南通平山南通盂縣定襄西通崞縣西北通代縣北通繁峙皆有大道惟能通行馬車者祇定襄崞縣二路而已其餘祇可步行或騎牲畜交通用具有馬車騾車牲畜架窩等而以架窩爲最安逸故山行者多用之其法以蘆蓆爲窩如轎車形下以二杆承之架於二騾背上長途乘之可顛簸之苦現自省城通縣境之河邊村開有汽車路價洋三元乘之四小時可至省垣較前便利多矣但河邊村在縣之南境上對外固稍便矣對內仍無大關係也聞明年汽車路將展築至東冶未知確否

十六、行政

以縣長爲行政首領縣署有財政內務二科各村有村長一人副村長一人選舉村中有入望者充之總理一村事務年俸視村之大小不一大約在百元左右然其責至重往往以村

事而被押縣衙故人皆不欲就此外每閭置有閭長下統十家

十七、警備

城內有警察公署總統本縣一切警備事宜各鄉共分五區每區設警察分署警備各地警兵全縣共五十餘名其餘各村每至冬防置更夫數名晚間擊拆巡邏以防盜賊

十八、城鎮

1、縣城 五台故秦漢慮夷縣也舊建於慮虜河之北岸晉省其縣而城廢元魏復置譌慮虜爲驢夷徙城於慮夷河之南岸即今城也地系土崖突出盡頭之處東南北三面皆陡絕西面乃連於平地土垣卑薄周圍僅二里許明正統間知縣張智居築其西乃足三百二十步仍屬土垣知縣張紹蘆始以磚甃之萬歷二十四年知縣高數仞增修大垣高三丈二尺厚二丈五尺如牆六百三十五敵樓二十五營房二十五面皆包以鐵葉萬歷三十三年山西巡撫魏元貞繕邊防以五台近邊飭知縣李養才大修之大垣敵樓純用磚包下砌石爲台數層上接大垣自堞至址高丈餘又增修城樓數座屹然有金陽之勢東西無門南北門砌石坡迤邐而上約半里許乃至城門西門有關箱清初姜瓖之叛城被圍一年卒不能破以其峻而堅也

然寇退而殘破已甚康熙元年知縣王家正奉文領帑八千餘兩而大修之又築護城堤種柳數千株城益完固慮虜河自城西北之小王村發源繞城之北東西三面今城內住民約一萬七千爲商出十之四五遠往蒙古一帶經商者居十之二三其餘皆爲農民商業不及東冶之盛教育有高小學校一所模範小學校一所國民學校三所女學校一所古蹟西關爲明末參將喬公遷高之故里城內有明太常寺卿傅公新德之里其居宅及牌坊至今尙存

2、村鎮 本縣大小村鎮共三百七十一所其分布西南較密東北較稀大鎮有五東冶寶村台懷耿家庄柏蘭而以東冶爲最發達繁盛爲全縣冠住民約二千餘戶附近土地肥沃物阜民豐商業亦極發達所造銅器每年由五台輸出於蒙古者甚多

十九、古蹟名勝

1、劉知遠墓 在小寶村北十餘里之佛光寺側

2、台山 在縣東北一百二十里亦名清涼山相傳爲文殊菩薩道場五峯環抱頂無林木有如累土之台故名夏時飛雪曾無炎暑故名清涼山左隣恒嶽右瞰漳沱週迴五百餘狀如蓮花東西南北四台皆自中台發脈羣峯聯祝勢若遊龍叢林大剝皆在中台之下僧侶分

青衣僧黃衣僧青衣僧即尋常之僧人皆著青衣黃衣僧則喇嘛也各有著名十大寺如顯通塔院圓照廣宗殊像碧山南山鳳林金閣靈境等寺青衣僧所住持也菩薩頂玉花池金剛窟鎮海羅喉普安三泉七佛壽甯台麓等寺則喇嘛所住持也喇嘛中有扎薩克居菩薩頂貢容院由西藏達賴喇嘛派來六年一任約束衆喇嘛職位頗尊青衣僧則由各寺公舉會長處理公共之事蒙古王公每歲朝山布施甚多聞紀元後以關外道途不通來者較少然香火猶盛內地僧俗朝山者亦絡繹不絕茲摭其名勝之地分述之如後

(1) 清涼寺 在縣東北八十里清涼谷中魏孝文時建凡自五台西面入山者必經此寺中有清涼石周圍四丈厚六尺五寸面平而下銳支於他石之上撼之可微動相傳文殊大士手托至此

(2) 西峯山 五台各山氣象雄大而石紋之皺瘦奇秀者惟此自金閣嶺至鎮海寺可望見之

(3) 鎮海寺 在台山交口西南嶺下山勢迴環樹木鬱森與金碧殿宇輝映生色住持爲喇嘛中有章嘉佛塔清乾隆時建雕琢極精

(4)顯通寺 在靈鷲峯下東漢時建本名大孚靈鷲寺明代改今稱台山最大之叢林也住持者爲青衣僧大殿中供大佛像亦較他寺容壯其中無量殿頗似西式建築有七大圓門中供無量壽佛丈六金身左爲文殊菩薩右爲藥師佛皆係銅鑄又有銅殿與銅塔殿高二丈餘全銅造成中供文殊銅像四壁萬佛圍繞前有銅塔五座亦高二丈餘分東西南北中按合五台天寒時朝山者不能至頂即禮此五塔焉

(5)塔院寺 亦在靈鷲峯下內有佛舍利塔故名塔高二十七丈周二十五丈其下二層四周置銅轉輪滿蒙佛徒朝山喃喃繞巡行撫而轉之蓋取大轉法輪之意也

(6)菩薩頂 在中台東南即靈鷲峯之別名也其上有真容院自下而上石級有百零八院前牌坊上書靈鷲勝境四字院爲唐時僧法雲所創建擬塑文殊真容懇求菩薩現身忽於雲際覩神像圍塑而成因名真容院清康熙時重建皆易黃瓦琉璃以示隆重院中爲黃教喇嘛扎薩克所居共有喇嘛三百餘真容院後山半爲喇嘛叢葬之地用火葬法上建小塔佔地不過數尺耳

(7)廣宗寺 在靈鷲峯南麓明正德初建其殿鑄銅爲瓦亦稱銅瓦殿

(8) 梵仙山 在中台之東孤峯特起高於平地一千五百零十呎合華度四千五百三十三尺上有靈應寺登之可俯瞰台中全景相傳文殊菩薩率五百仙人餽菊於此故名

(9) 殊像寺 在梵仙山下殿中有文殊大士跨狻猊像相傳爲神工所造故名今亦稱殊祥寺

(10) 般若寺 在東台樓觀谷相傳無著菩薩見文殊處後人因建寺焉三面環山山上怪石突兀古柏挺秀台中勝處也

(11) 金剛窟 般若寺正殿外樓觀谷之左崖有金剛窟深不可測昔佛陀波利入此不出後人堵塞之另就其外造小窟門鐫金剛谷三字內藏文殊牙長約八寸厚三寸像若象牙真僞莫辨也

(12) 碧山寺 在華嚴谷倚山面水前有老樹數十株明成化間王成煉所建寺內藏有寶塔經卷二軸長約三丈闊約六尺內均繪寶塔形一寫四大部經一寫華嚴經全部爲清康熙十二年姑蘇鄧尉山聖恩寺沙門所供奉字跡細於蠅頭至可寶也

(13) 大螺頂 爲東台支峯台山林木惟此處最茂密自下望之鬱鬱成林引人入勝頂有

廟五台頂文殊菩薩像塑其中

(14) 華嚴嶺 在東台西北二十里由東台往北台必經此

(15) 江門堰嶺 自東台之北出山者必經此嶺勢陡絕蹬道盤折而亂石塞路攀躋極艱

(16) 中台頂 高出海面二千九百五十呎合營造尺九千二百餘尺台頂多平坦廣逾百

畝中央累石爲台四角並有四小台蓋亦取五台之意台頂距北台頂十二里西台頂八里

(17) 東台頂 自江門堰行五里登東台絕頂高於平地二千五百七十呎(以北京爲準)

合華度七千零二十尺亦名望海峯有望寺今圯僅築石屋數間有塔二在正東者名笠子塔
在東南者名居士塔

(18) 西台頂 高出海面二千七百五十呎合營造尺八千五百九十尺五台各山石皆戴

土無巉峭之巖壁惟西台頂附近有石壁卓立如屏障

(19) 北台頂 高出海面三千三百呎合營造尺一萬零三百餘尺爲五台中之最高者

(20) 南台頂 自梵仙山望之如覆盆頂亦荒涼只有石屋數間高度以蔣書未載俟後側

出補之

二十五台山旅行須知錄蔣書

赴五台有二道皆自北京出發一由京漢路至定州車站下車自定州遵陸前往五日可抵台麓寺一由京漢路至石庄下車再由正太路至太原遵陸北上亦五日可達台懷鎮然北京至定州只半日至太原則須二日故以由定州赴五台爲便每年諸山僧人朝山者多由此自定州赴五台者在北平乘京漢車半日可達須在定州住宿次日遵陸行六十里至曲陽縣住宿第三日自曲陽縣啟行三十里至南口村又四十里至長壽庄住宿第四日自長壽庄啟行十八里至阜平縣又七十里至龍泉關住宿第五日自龍泉關啟行十里至長城嶺又十五里即抵五台山下之台麓寺

自太原赴五台者亦自北京乘京漢車啟行八時抵石家庄住宿次晨自石家庄乘正太車啟行九小時至太原住宿第三日自太原啟行六十里至黃土砦住宿第四日自黃土砦啟行五十里至石嶺關入忻縣界行三十五里至縣城可以住宿第五日自忻縣啟行四十里至定襄縣又五十里抵五台縣屬之東冶鎮住宿第六日自東冶鎮啟行三十里至五台縣城又四十里至寶村住宿第七日自寶村啟行二十五里至柳院村又五十五里抵五台山下之台懷

鎮

現自太原至五台之河邊村開有汽車道已通車由太原動身四小時可達當日可住五台縣城次日住柳院村三日可至台懷較前可省一日

北京赴定州費車價三等大洋二元 角二等倍之頭等三倍之赴石家莊三等三元三角二等倍之頭等三倍之至太原可自北京購聯票三等大洋七元二角二等倍之三等三倍之

自定州或太原遵陸行者宜雇架窩價每日約二元五角或乘騾車亦可價約每日一元五角然過阜平縣以西五台縣東北皆係山路騾車不能行矣

陸行遇縣城及鄉村雖皆有客店然多不清潔房飯錢極廉每人每日不過二二百文晉省居民自忻縣定襄以北皆食燕麥(俗名油麥)及馬鈴薯(俗名山藥蛋)小村中雖大米白麵亦無售處最好自帶白米及罐頭食物至客店時令代煮粥或飯食之

五台氣候高寒陰曆八月即降雪至明年四月方消遊山者以四五月爲最宜六七月多雨往往大水阻路亦不宜無論何時往遊均須帶棉皮衣服

到五台後各寺皆可住宿而以顯通寺爲最宏敞飯食亦佳大約住一日給洋一元名之曰香敬若說明房飯錢僧人即不肯領受此外賞茶役數角

五台並非五峯分峙實四山環拖取其中央及四方之峯頂高而平坦者名之曰台大叢林均在台下台頂極荒涼僅有石屋數間苦行僧一二人住其中耳

五台寺廟皆在台下風景亦以台下爲佳可分日往遊第一日遊顯通寺塔院寺圓照寺廣宗寺羅睺寺菩薩頂等處第二日可循菩薩頂之東遊洪慶寺太平興國寺般若寺金剛窟碧山寺大螺頂等處第三日可循菩薩頂之西遊鎮海寺金閣寺清涼寺等處至於梵仙山殊像寺距顯通寺甚近半日可往返台麓寺白雲寺千佛寺金燈寺等處則入山時先遊或出山時後遊均可

欲登台頂亦可託寺中雇架窩前往頂上不能住宿仍須回住原處大約徧登各台須四五日方畢若能自帶蓬帳預備在台頂住宿者則由東台往北台須一日程再由北台往中台西台亦一日程南台較遠宜另一日往可於初進山之日或出山之日乘便遊之

五台縣小志終

